

PRAVILNIK**O DODJELI SREDSTAVA IZ BUDŽETA OPĆINE STARI GRAD SARAJEVO ZA OBOLJELE OD CELIJAKIJE**

Član 1.

(Predmet Pravilnika)

Ovim Pravilnikom uređuje se način dokazivanja ispunjavanja kriterija i uslova, postupak dodjele sredstava i potpora, način određivanja visine sredstava, kao i druga pitanja od značaja za dodjelu sredstava iz Budžeta Općine Stari Grad Sarajevo (u daljem tekstu Budžet) za oboljele od Celijakije.

Član 2.

(Aktivnosti finansirane iz Budžeta)

Ovim grantom se osigurava pomoć za osobe oboljele od Celijakije.

Član 3.

(Pravo na korištenje sredstava Budžeta)

Sva fizička lica, koja imaju prebivalište na području Općine Stari Grad Sarajevo i koja su oboljela od celijakije imaju pravo na ostvarivanje pomoći iz Budžeta.

Član 4.

(Iznos sredstava iz Fonda)

- (1) Maksimalni iznos nepovratnih sredstava u jednoj godini, za jednu osobu iznosi do 500,00 KM.
- (2) Odobrena sredstva će se isplaćivati na tekući račun podnosioca zahtjeva, a putem Službe za privredu i finansije.

Član 5.

(Neophodni dokumenti za prijavu)

Uz prijavu neophodno je priložiti sljedeću dokumentaciju (original ili ovjerenu kopiju):

1. Izvod iz matične knjige rođenih;
2. Cips prijava o mjestu prebivališta (ne starija od 6 mjeseci);
3. Uvjerenje o državljanstvu;
4. Dokaz i nalazi koji potvrđuju da osoba boluje od celijakije.

Član 6.

(Dostavljanje zahtjeva i dokumentacije)

Zahtjev za dodjelu sredstava iz ovog Budžeta se podnosi Službi za boračko-invalidsku i socijalnu zaštitu, na propisanom obrascu, a putem Protokola Općine Stari Grad Sarajevo.

Član 7.

(Odobrenje sredstava)

Nakon stručne obrade zahtjeva iz člana 6. ovog Pravilnika od strane Službe za boračko-invalidsku i socijalnu zaštitu, odluku o odobrenju zahtjeva potpisuje Općinski načelnik.

Član 8.

(Upoznavanje javnosti)

Služba za boračko-invalidsku i socijalnu zaštitu je dužna u roku od 30 dana od dana usvajanja ovog Pravilnika sa istim upoznati Udruženje oboljelih od celijakije Kantona Sarajevo.

Član 9.

(Stupanje na snagu)

Ova Odluka stupa na snagu osmi dan od dana objavljivanja u "Službenim novinama Kantona Sarajevo".

Broj 02-49-91/17
Februara 2017. godine
Sarajevo

Predsjedavajući
Općinskog vijeća
Stari Grad Sarajevo
Mr. sc. **Jusuf Pušina**, s. r.

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH", broj 49/06) i članova 12. i 25. Statuta Općine Stari Grad Sarajevo - Prečišćen tekst ("Službene novine Kantona Sarajevo", broj 20/13), donosi

¹ Šegrt - zanatski učenik, osoba koja nije u procesu redovnog srednjoškolskog obrazovanja, zvanje stiče kod majstora.

² Odluka o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", broj 7/16).

PRAVILNIK**O STIPENDIRANJU UČENIKA/ŠEGRTA IZ OBLASTI DEFICITARNIH I STARIH TRADICIONALNIH ZANATA/ZANIMANJA**

OSNOVNE ODREDBE

Član 1.

Pravilnikom o stipendiranju učenika/šegrt¹ iz oblasti deficitarnih i starih tradicionalnih zanata/zanimanja (u daljem tekstu: Pravilnik) utvrđuju se, način i kriteriji stipendiranja istih, a koji su državljani Bosne i Hercegovine, imaju prebivalište na području Općine Stari Grad duže od tri godine i nalaze se na redovnom školovanju u srednjim školama i za šegrt, koji zvanje stiču kod majstora starih zanata, a nisu stariji od 20 godina prilikom podnošenja aplikacije.

Član 2.

Pravo na stipendiranje po ovom Pravilniku imaju učenici srednjih strukovnih škola (deficitarni zanati) koji nisu obavljali godinu, a koji su u prethodnoj školskoj/akademskoj godini postigli uspjeh sa najmanjom prosječnom ocjenom 3,00 i šegrti koji zvanje stiču kod majstora starih zanata.

Po ovom Pravilniku pravo na stipendiranje imaju učenici/šegrti koji se školuju za sljedeća zanimanja:

1. Deficitarni zanati: vodoinstalater, keramičar, električar, tapetar, dekorater, optičar obučar, krojač, limar, bravar, staklar, hemijski čistač, zlatar, slikanje na tekstilu i tekstilnim vlaknima i keramici²;
2. Stari - tradicionalni zanati: filigranist, kujundžija, graver, kazandžija, puškar, krojač narodnih nošnji i odijela, krznar, krojač krzna i kože, remenar, sedlar, rukavičar, kapar, šeširdžija, proizvođač papuča (papudžija), časovničar (sahadžija), staklar, obrađivač optičkog stakla, staklopuhač, jorgandžija, oštrač, kovač, tašnar, izrađivač nanula i klompi, dimnjačar, brijač, užar i izrađivač vrpce (gajtandžija), bojadžija, kaligraf, gmčar¹.

Član 3.

Komisija zadržava pravo da u skladu s Odlukom o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo dodijeli stipendiju u cilju zaštite deficitarnih i starih tradicionalnih zanata, za zanimanje koje nije eventualno navedeno u ovom Pravilniku.

STIPENDIRANJE

Član 4.

U skladu s potrebama tržišta, a na prijedlog Načelnika, Općinsko vijeće donosi Plan stipendiranja sa tačno navedenim zanimanjima (zanimanje i broj stipendista po zanimanjima) koja će u tekućoj školskoj godini biti stipendirana kako slijedi:

- a) Učenici I, II i III razreda srednjih strukovnih škola (deficitarni zanati/zanimanja);
- b) Šegrti, koji zvanje stiču kod majstora starih zanata (stari tradicionalni zanati).

Član 5.

U skladu sa potrebama i nivoom finansijskih sredstava utvrđenih Planom stipendiranja starih tradicionalnih i deficitarnih zanata/zanimanja, Općinski načelnik donosi odluku o dodjeli stipendija za tekuću školsku godinu.

Konkursnu proceduru kao i Odluku o dodjeli stipendija provodi Služba za obrazovanje, kulturu i sport, a isplata stipendija precizira se ugovorom o stipendiranju.

Član 6.

Stipendije se dodjeljuju za tekuću školsku godinu i isplaćuje se za 9 mjeseci (septembar-decembar i februar-juni).